



UNIVERSITÄTS-
BIBLIOTHEK
PADERBORN

Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

Art. I. An sit in Deo propriè scientia, & in ordine ad quæ objecta?

[urn:nbn:de:hbz:466:1-77232](https://nbn-resolving.de/urn:nbn:de:hbz:466:1-77232)

DISPUTATIO PRIMA.

DE SCIENTIA DEI

secundum se.



Riusquam de scientia Dei respectu possibilium & futurorum contingentium disputemus, & celebrius hujus temporis controversias discutamus & resolvamus; aliqua de scientia Dei in communi & secundum se, praemittenda esse censuimus; ejusque existentiam, quidditatem, ac divisionem, declarare, variaque ejus dores & praerogativas, quibus supra scientiam humanam & angelicam eminet, expondere, necessarium esse duximus. Agendum etiam hic est, ad complementum hujus disputationis, de objecto tam motivo quam terminativo divinæ scientiæ, nisi in Tractatu de attributis de hoc fusè pertractassimus, unde ne eadem sapientiæ & inutiliter repetantur, ad hunc locum Lectorem remittimus.

ARTICVLVS PRIMVS.

An sit in Deo propriè scientia, & in ordine ad quæ objecta?

§. I.

Premittitur quod apud omnes est certum.

Certum est scientiam in Deo propriè reperiendi, sicut propriè, sumatur contrapositivè ad metaphorice: sic enim sumpta scientia nihil aliud est quam cognitio certa & evidens: hanc autem in Deo reperi manifestum est, cum talis cognitio sit perfectio simpliciter simplex, nullam in suo conceptu involvens imperfectionem. Unde Esther 14. dicitur, *Domine qui habes omnium scientiam.* Psal. 138. *Mirabilis facta est scientia tua.* Et ad Roman. 11. *O altitudo divitiarum sapientie & scientie Dei!*

Id etiam demonstrat D. Thomas hic art. 1. & quæst. 2. de veritate art. 2. egregiâ ratione, quæ potest sub hac forma proponi. Deus est substantia summè immaterialis, & ab omni consortio materiae segregata: Ergo & perfectissimè sciens & intelligens. Consequentia probatur: Quanto aliqua substantia est magis immaterialis, & magis elevata supra conditiones materiae, tanto magis est cognoscitiva: Ergo si Dei si substantia summè immaterialis &c. est etiam perfectissimè sciens & intelligens. Consequentia patet, Antecedens probatur primo ex Aristotele 2. de anima textu 112, ubi docet, quod plantæ non sunt cognoscitiva, sicut animalia, quia eorum forma est magis materialis, & minus elevata supra conditiones materiae. Hinc etiam provenit quod inter sensu externos, visu, utpote immaterialior, elicere operationes nobiliores, & est magis cognoscitivus, quam tactus, aliique sensu externi; & quod inter substantias creatas, natura Angelica, utpote magis elevata supra materiam, est perfectiori modo intelligens: qua de causa supremit illi spiritus, *Intelligentia nuncupantur.* Inter

Tom. I.

A ipsos etiam homines, illi qui sunt crassiores, & magis immersi materia, ut plurimum sunt minus ingeniosi, & minus idonei ad scientias; quia moles corporeæ hebet & obtundit acumen ingenij, sive, ut loquitur Scriptura, *Corpus quod corruptitur, aggravat animam, &c.*

Secundò probatur idem Antecedens: Vita, ut docetur in libris de anima, nihil aliud est quam elevatio formæ supra materiam: Ergo cum intelligere sit perfectissimus gradus vita, oriri debet ex summa immaterialitate, & perfectissima elevatione supra materiam.

Tertiò probatur: Natura intellectualis tanta est amplitudinis, & universalitatis, ut possit recipere formas omnium rerum, in esse falso intentionali & intelligibili; unde communiter dicuntur, quod *intellexus intelligendo fit omnia:* materia autem cum sit radix limitationis, & principium individuationis, contrahit, & limitat amplitudinem, & universalitatem formarum, & facit ut una natura non possit recipere formas, & perfectiones aliarum, etiam in esse intelligibili: Sicut ergo materia est impedimentum cognitionis, ita immaterialitas ex adverso, est causa, & radix scientiæ, & intellectualitatis. Unde egregiè Tertullianus: *Opimitas sapientiam impedit, exilias expedit.* De quo plura in Tractatu de at-

Liber de anima cap. 20. Disp. 2. art. 2. §. i.

tributis.

Non potest ergo revocari in dubium, in Deo reperi propriè scientiam, prout scientia propriè, idem est ac non metaphoricè talis: unde solùm est difficultas, an Dei cognitio sit propriè scientia, prout ly, propriè, sumitur contrapositivè ad communiter, & respectu quorum objectorum?

§. II.

Vtrique difficultas triplici conclusione resolvitur;

Dico primò: Dei cognitio est scientia propriè & strictè, & non solùm largè, & impropriè. Est contra Vazquem 1. parte disp. 4. num. 9. & disp. 85. cap. 7. num. 48.

Probatur breviter ratione fundamentali. Cognitio evidens & certa rei per causam, est propriè & strictè scientifica: Sed hujusmodi cognitio reperitur in Deo: Ergo invenitur in ipso scientia strictè & propriè. Minor pater, Major autem probatur. Tali cognitio non est artis, quæ erga facultabilia versatur, modo practico & factivo; nec prudentia, quæ non est circa agibilita, tradendo agendorum regulas: nec fidei, vel opinionis, cum fides importet obscuritatem, & opinio incertitudinem: nec intellectus principiorum, nam lumen principiorum, non est cognitio effectus per causam, sed solius cause cognitio: Ergo est cognitio propriè & strictè scientifica.

Probatur secundò: Omnis perfectio que in suo conceptu formalis non dicit imperfectionem, convenit formaliter Deo: Sed cognitio strictè &

Aa iii

DISPUTATIO PRIMA

propriè scientifica, est perfectio nullam in suo concepitu formaliter includens imperfectionem: Ergo in Deo reperitur formaliter.

Nec valer, si dicas, talem cognitionem importare imperfectionem discursus, seu quod cognitio conclusionis circa quam scientia versatur, ex cognitione principiorum causetur, quod Deo repugnat. Non valet, inquam: Tum quia in Angelis reperitur strictè scientia, & tamen, iuxta communio rem Theologorum sententiam, in ipsis non est propriè discursus: Ergo imperfectio discursus, non est de ratione scientiae strictæ & propriæ sumpta. Tum etiam, quia licet daremus de ratione scientiae ut sic esse aliqualem discursum, non est cur non sufficiat formalis aut virtualis: Sed Deo non repugnat discursus virtualis, sicut enim non repugnat perfectionibus divinis, ut una virtualiter ab alia causetur, ut patet in attributis, que virtualiter ab essentia dimanantur, ita non repugnat quod una cognitione in Deo, ab alia virtualiter causetur, in quo consistit virtualis discursus: Ergo &c.

Confirmatur: Ad rationem scientiae strictæ sumpta, non requiritur major ex parte cognitionum causalitas, quam ad rationem scibilis in objecto, inter essentiam & proprietates: Sed ad rationem scibilis strictæ sufficit virtualis objectiva causalitas, ut constat in objecto Theologiae & Metaphysicae; Deus enim, qui est objectum Theologiae, est solùm causa virtualis suorum attributorum, & ens est solùm causa virtualis & ratio à priori proprietatem quas de ipso Metaphysica demonstrat: Ergo ad rationem strictæ scientiae sufficit virtualis ex parte cognitionum causalitas, subindeque virtualis discursus.

Dico secundo: In Deo esse scientiam strictam & propriam, respectu creaturarum.

Probatur breviter: Scientia propriè & strictè sumpta, est cognitione rei per causam: Sed Deus perfectissimè cognoscit omnes effectus creatos per suas causas, licet causas & effectus per simplicem intuitum, & absque discursu attingat: Ergo habet perfectissimam omnium rerum creatarum scientiam.

Confirmatur: Cum essentia divina sit causa creaturarum, & Deus perfectissimè penetrat & comprehendat illam, non potest non in ea, ut in causa penetrata & comprehensa, cognoscere omnes effectus creatos, subindeque propriam & perfectam de illis habere scientiam.

Dico tertio: Deus habet scientiam strictam suorum attributorum. Ita communiter docent Theologi, excepto Durando, & Ferrariensi, qui ut refert Gonzales hinc disp. 34. num. 4. licet admittant in Deo scientiam propriè & strictè sumptam, negant tamen illam respectu divinorum attributorum.

Probatur tamen conclusio destruendo præcipuum illorum fundementum. Si ob aliquam rationem in Deo non esset scientia suorum attributorum, maximè quia de ratione scientiae est procedere per causam; attributa autem divina, cum sint entia per essentiam & à se, causam in essendo non habent: Sed hoc ratio nulla est: Ergo datur in Deo scientia suorum attributorum. Major continet præcipuum Adversariorum fundatum, Minor autem probatur. Ad rationem scientiae sufficit procedere per causam virtualem in essendo: Sed licet attributa divina, ex eo quod sint entia à se, causam realiter causantem excludant, habent tamen causam virtualem: Ergo ob

A rationem illam, malè negatur in Deo scientia suorum attributorum. Major constat, tum in Metaphysica, qua proprie scientia est; & tamen veritas, bonitas, & alia proprietates quas demonstrat de ente, non habent causam formaliter influentem, sed solummodo virtualiter: tum etiam in nostra Theologia, qua proprie & strictè obtinet rationem scientiae, ut in disputatione proemiali ad universam Theologiam ostendimus; & tamen non procedit per causam qua realiter influat, sed tantum per causam virtualem; cum attributa divina qua Theologia demonstrat de Deo, causam realiter influentem non habeant. Minor vero probatur: Unum esse causam virtualem alterius, nihil est aliud quam taliter inter se comparari, quod si realis intercederet distinctio, realis etiam influxus & causatio reperiatur: Sed attributa divina taliter cum natura Dei, & inter se comparantur, quod si ad esset realis distinctio, omnia ab essentia realiter caufarentur, & etiam unum ab alio; si namque voluntas realiter differret ab intellectu divino, realiter caufaretur ab illo; immutabilitas etiam esset realis causa eternitatis, si realiter ab illa differret: Ergo inter divina attributa, comparata cum essentia, & inter se, virtualis causalitas intercedit.

Confirmatur: Ad causam virtualem, & virtualem effectum, sufficit virtualis distinctio: Sed attributa divina inter se & ab essentia virtualiter distinguntur, ut in Tractatu de attributis contra Diff. 3. Nominales ostendimus: Ergo habent causam virtualem. Addo quod, si attributa Dei non haberent causam virtualem, seu rationem à priori, Theologia illa demonstrans de Deo, non posset haber rationem scientiae, quod est contra communem Theologorum sententiam.

§. III.

Solvuntur obiectiones.

O Bjicies primò cum Vazque contra primam conclusionem: De ratione strictæ scientiae est discursus: Sed ille divina cognitione repugnat: Ergo & ratio scientiae strictæ.

Hic argumento pater solutio ex supra dictis. In primis enim respondeo, negando Majorem: nam discursus non pertinet essentialiter ad rationem scientiae, sed est imperfectio ejus; unde licet ille divina cognitione repugnet, non sequitur in ipso non dari strictam scientiam. Solutio est D. Thomæ quest. 2. de verit. art. 1. ad 4. ubi sic discurrit: *Illiud quod in Deo est absque omni imperfectione, in creaturis cum aliquo defectu inventum; propter hoc oportet, ut si aliquid in creaturis inventum Deo attribuatur, separamus rotum quod ad perfectionem pertinet, ut solum maneat hoc quod perfectionis est; quia secundum hoc tantum creature Deum imitatur.* Dico igitur, quod scientia qua in nobis inventur, habet aliquid perfectionis, & aliquid imperfectionis: ad perfectionem enim pertinet certitudo ipsius, quia quod scitur, certitudinaliter cognoscitur; sed ad imperfectionem pertinet discrusus intellectus a principiis ad conclusiones, quarum est scientia; hic enim discrusus non contigit, nisi secundum quod intellectus cognoscens principia, cognoscit in potentia tantum conclusiones; si enim actu cognoscet, non esset ibi discrusus, cum mortuus non sit nisi exitus de potentia ad actum. Dicitur ergo in Deo scientia, ratione certitudinis de rebus cognitis, non autem ratione discrusus predicti, qui nec etiam in Angelis inventur, ut Dionysius dicit.

DE SCIENTIA DEI SECUNDVM SE. 191

Secundò responderi potest , distinguendo Majorem , illamque concedendo de discursu formalis , vel virtuali ; negando autem de discursu determinatè formalis ; virtualis enim discursus sufficit ad rationem scientiæ , ut supra ostendimus : licet autem Deo repugnet formalis discursus , non tamen virtualis , ut etiam ex supra dictis patet.

13. Objicies secundò : Ad rationem strictæ scientiæ requiritur ut minus notum , per aliquid notius cognoscatur ; illa enim à notioribus procedere debet , ut Aristoteles in libris Posteriorum docet : Sed in Deo non potest esse aliquid magis vel minus notum , cùm omnia perfectissimè cognoscat & comprehendat : Ergo in ipso propria ac stricta scientia reperiiri nequit.

Respondeo distinguendo Majorem : Ad rationem strictæ scientiæ requiritur , ut minus notum cognoscatur per aliquid notius , ex parte rei cognitæ , concedo Majorem : ex parte cognoscens , nego Majorem . Ad Minorem similiter dicendum est , quod licet in Deo non possit dari aliquid notius ex parte cognoscens , bene tamen ex parte rei cognitæ , quatenus unum est ratio cognoscendi aliud ; & in hoc sensu essentia divina potest dici notior attributis , quia est ratio à priori per quam cognoscuntur . Unde D. Thomas loco supra citato in solut. ad 5. sic habet : *Dicendum quod quamvis in Deo non sit aliquid magis vel minus notum , si consideretur modus cognoscens , quia eodem intuitu omnia vider : tamen si consideretur modus rei cognitæ , Deus cognoscit quadam esse magis cognoscibilis in seipso , & quadam minus ; sicut inter omnia maxime est cognoscibilis sua essentia , per quam quidem omnia cognoscit , non aliquo discursu , cùm simul videndo essentiam suam , omnia videat ; unde & quantum ad istum ordinem qui potest attendi in divina cognitione ex parte cognitorum , etiam salvatur in Deo ratio scientiæ , ipse enim præcipue omnia per causam cognoscit.*

4. Objicies tertio : Cognitio Dei per se primò terminatur ad suam essentiam , & in illa sic cognita attingit attributa & creaturas : Ergo non habet strictè & propriam rationem scientiæ . Antecedens communiter docetur a Thomistis , & patet ex dictis supra in Tractatu de attributis , & in Tractatu de visione Dei , magisque constabit ex infra dicendis . Consequens vero probatur : In hoc differt scientia à notitia luminis principiorum , quæ dicitur intelligentia , quod illa per se primò versatur circa conclusiones , ista vero per se primò tendit ad principia , & causas conclusionum : Ergo si omnis cognitio Dei , per se primò versatur circa ejus essentiam , quæ habet rationem principij & causæ , aut quasi causa suorum attributorum & creaturarum , consequens erit ut omnis cognitio divina sit cognitio principiorum , nulla vero scientifica , si de scientia propriè & strictè loquamur .

Respondeo concedo Antecedente , negando Consequentiam , ad cuius probationem dicendum , quod licet scientia cui tantum convenit ratio scientiæ , non possit competere ut per se primò versetur tam circa principia , quam circa conclusiones ; secūs tamen scientia , quæ simul est scientia & sapientia ; cùm ista eminenter formaliter contineat quidquid pertinet ad rationem scientiæ , quæ tantum est scientia ; & quidquid spectat ad habitum primorum principiorum , siue ad intelligentiam : unde cùm scientia Dei , ut-

A pote perfectissima , eminenter formaliter rationem scientia & sapientia habeat , non mirum quod per se primò ad essentiam divinam , ut est principium & veluti causa suorum attributorum & creaturarum terminetur . Sapientia enim non distinguitur ab intelligentia , seu habitu principiorum , in hoc quod sapientia nullo modo versetur circa principia , sed in eo quod intelligentia illa considerat secundum se & absoluè ; sapientia vero illa attingit , non absoluè , sed ut sunt rationes ascertiendi conclusionibus , ut docet D. Thomas 1. 2. quæst. 57. art. 2.

B Objicies quartò contra secundam conclusionem : Ad rationem propria & stricta scientiæ , requiritur quod effectus cognoscatur in causa propria & particulari , nec sufficit quod cognoscatur in causa communi & universalis : Sed Deus est causa solùm communis & universalis respectu creaturarum : Ergo licet eas in seipso tanquam in causa cognoscat , non habet tamen de illis propriam & strictam scientiam .

C Respondeo ad rationem scientiæ non sufficere quod effectus cognoscantur in causa communi & universalis , quando illa attingit & causat suos effectus , solùm secundum rationem communem & genericam ; secūs vero si illos attingat & causet secundum rationem specificam & individualē : Deus autem ita est causa universalis omnium rerum , ut ejus causalitas , usque ad atomas illarum differentias pertingat ; quia causat omnia sub ratione universalissima entis , que in omnibus differentiis transcendentaliter imbibitur .

D Objicies quintò contra tertiam conclusionem : Deus non cognoscit suam essentiam , ut est causa virtualis suorum attributorum : Ergo non habet strictam & propriam de illis scientiam . Consequens manifesta est , Antecedens probatur . Essentia divina non potest cognosci , ut causa virtualis attributorum , nisi cognoscatur , ut ab illis virtualiter distinda : Sed essentia divina non potest cognosci à Deo , ut virtualiter distincta ab attributis : Ergo ut causa virtualis illorum cognosci nequit . Major constat , sicut enim causa realis importat distinctionem realem à suo effectu , ita & causa virtualis distinctionem virtualem . Minor vero probatur : Intellexus divinus non potest formare entia rationis , ut magis communiter docent nostri Thomistæ in Philosophia : Sed si essentia divina cognoscatur à Deo , ut virtualiter distincta ab attributis ,

E Ratione hujus argumenti , quidam etiam ex Schola D. Thomæ , probabiliter existimant , intellectum divinum formare aliqua entia rationis , quæ fundantur , non in imperfecto modo cognoscendi objecta ; sed in perfectione , & eminentia rei cognitæ ; & ad illud genus dicunt reduci distinctionem virtualem , quæ in Deo concepitur : illa enim fundatur in eminentia divinæ naturæ , quæ ratione suæ infinitatis praestare potest illud omne quod præstant in rebus creatis perfectiores realiter distinctæ .

F Melius tamen respondetur , quod quamvis Deus cognoscat eminentiam suæ naturæ , & prioritatem virtualem , quæ reperitur inter ejus essentiam , & attributa , non tamen propter ea for-

15.

16.

17.

18.

DISPUTATIO PRIMA

mat entia rationis; quia non cognoscit talem eminentiam, & prioritatem, ut fundantem distinctionem rationis, per ordinem ad suum intellectum, sed tantum per ordinem ad intellectum humanum; sicut non facit entia rationis, quando cognoscit essentiam hominis præbere intellectui humano fundamentum, ut concipiatur & distinguatur in illa genus & differentiam. Quod ut clare percipiat.

19. Advertendum est, in distinctione virtuali quam agnoscunt Theologi in Deo, duo importari: unum de materiali, eminentiam scilicet divinæ naturæ, quæ præbet intellectui humano fundamentum illam concipiendi ut distinctionem ab attributis; aliud de formalis, nimirum distinctionem rationis, quam intellectus humanus apprehendit, & concipit in divina natura. Primum cognoscitur à Deo immediate, & sine habitudine ad intellectum humanum; secundum verò solùm mediatae, & per ordinem ad intellectum creatum: ex quo provenit, quod Deus, cognoscendo tam distinctionem rationis, non facit ens rationis: quia ad formationem entis rationis requiriatur, ut illud cognoscatur immediatè: nec sufficit quod cognoscatur mediatae, & ut cognitum, vel factum, aut factibile ab alio intellectu.

ARTICULUS II.

Vtrum scientia Dei sit attributum illius?

Hanc difficultatem movemus, tum ut magis divinæ scientia quidditatem declarimus, tum etiam, ut difficile argumentum quod contra communem sententiam fieri solet, diluvamus.

S. I.

Conclusio affirmativa statuitur.

20. Dico igitur: Scientiam Dei esse attributum illius. Ita colligitur ex D. Thoma in proœmio hujus questionis, ubi ait: Post considerationem eorum qua ad divinam substantiam pertinent, restat considerandum de iis qua pertinent ad operationem ipsius, & inter ea numeraret scientiam; atque adeo sentit, scientiam non spectare ad divinam substantiam, seu essentiam; sed esse quid consequens ad illam, per modum quasi proprietatis, & inter attributa ad operationem pertinentia collocari. Idem docet Damascenus libro 1. de fide cap. 4. his verbis: Sive bonum, sive insitum, sive sapientem, sive quidcumque tandem aliud dicere libeat, non Dei naturam, sed que nature insunt exponis.

Ratio etiam suffragatur, Attributum enim hoc modo definitur à Theologis; Attributum est ratio quedam absoluta, necessaria, & formaliter existens in Deo, & virtualiter ad ejus essentiam consequens: Atqui scientia Dei habet has omnes conditions: Ergo est attributum. Major declaratur: Attributum dicitur esse ratio absoluta, ut excludant divinæ relations, qua non sunt attributa. Dicitur necessaria & formaliter existens in Deo, ut per ly necessaria, excludant actus liberi, qui sunt in Deo formaliter; & per ly formaliter, excludant perfectiones secundum quid creaturarum, qua non sunt in Deo formaliter, sed tantum eminenter. Denique additur, ad essentiam Dei virtualiter consequens, quia attributa sunt veluti proprietates divinæ essentiae, quæ illam veluti trahunt ad aliam lineam, & ad

A illam consequuntur, saltem per rationem, cum fundamento in re, tanquam ad causam virtutalem, seu rationem à priori; eo ferè modò, quæ unitas, veritas, & bonitas, consequuntur rationem entis. Minor etiam probatur, quantum ad singulas partes. Et in primis quod scientia divina sit aliquid absolutum, evidens est, cum sit communis tribus personis sanctissima Trinitatis. Secundo, quod sit formaliter, & necessario in Deo existens, liquet ex dictis articulo præcedenti: omnis enim perfectio simpliciter simplex, necessaria, & formaliter in Deo existit. Tertio, quod sit virtualiter consequens ad divinam naturam, & illam veluti trahens ad aliam lineam, probatur. Intelligere constitutivum divinæ naturæ respicit essentiam divinam, ut est in intelligibili absolute: scientia verò, ut est intelligibilis determinatò modò, quatenus scilicet habet rationem cause: prudentia verò illam respicit, ut est suprema regula omnium agibilium, id est omnium actuum divinorum: ars verò candem respicit, ut est ratio omnium factibilium ad extra: Ergo &c.

§. II.

Solvitur difficile argumentum.

C Ontra hanc conclusionem objicitur difficile argumentum, quod sub hac forma breviter proponi potest. Intelligere constitutivum naturæ divinæ, formaliter quæ tale, est scientificum: Ergo scientia in Deo, non est attributum, virtualiter ab ejus essentia distinctum. Consequens patet, Antecedens probatur. Illud intelligere est scientificum, quod attingit essentiam divinam, ut habet rationem cause respectu creaturarum, vel ut est ratio à priori divinorum attributorum: Sed intelligere constitutivum, attingit essentiam divinam, ut habet rationem causa, &c. Ergo formaliter quæ tale, est scientificum. Major constat, Minor probatur. Intelligere infinitum, & comprehensivum debet attingere essentiam divinam omnibus modis quibus est cognoscibilis: Sed intelligere constitutivum, est infinitum, & comprehensivum: Ergo debet attingere essentiam divinam omnibus modis quibus est cognoscibilis; ac proinde, ut est causa creaturarum, & ratio à priori attributorum. Minor est certa, Major vero probatur. Ad rationem comprehensionis requiritur, quod tota cognoscibilitas objecti exhaustatur, & quod illud attingatur sub quacumque ratione, & modo quod est cognoscibile: Ergo intelligere infinitum & comprehensivum, debet cognoscere essentiam divinam omnibus modis quibus cognoscibilis est.

E Respondent aliqui, Quod licet intelligere constitutivum naturæ in Deo sit infinitum, & comprehensivum; non tamen propterea attingit essentiam divinam, quatenus formaliter habet rationem causa; quia non est infinitum absolute, & omnibus modis, sive secundum omnes lineas, etiam attributales, sed solùm intra propriam linéam naturæ: unde sicut natura divina, quamvis infinita, quæ talis tamen formaliter, non includit in suo conceptu quidditativo relations, & attributa, sed radicaliter tantum, ut plures existant; ita & intelligere constitutivum, quamvis infinitum, & comprehensivum, non includit tamen formaliter omnes particulares modos intelligentiabilitatis, quibus natura divina est cognoscibilis, & qui pertinent ad attributa; qualis est intelligentiabilitas per modum causa, vel ut est ratio agibilium,